

(4) Na temelju broja bodova Komisija sastavlja rang listu i dostavlja je nastavničkom vijeću škole.

#### Članak 11.

##### (Zapisnik o radu Komisije)

Komisija o svom radu vodi zapisnik.

#### Članak 12.

##### (Razmatranje prijedloga Komisije i donošenje odluke)

(1) Nastavničko vijeće škole razmatra prijedlog Komisije i donosi odluku o izboru učenika generacije škole u roku od tri dana od dana dostavljanja prijedloga Komisije.

(2) U školi može biti izabran samo jedan učenik generacije.

#### Članak 13.

##### (Podnošenje žalbe)

(1) Žalba na odluku nastavničkog vijeća podnosi se školskom odboru u roku od tri dana nakon proglašenja učenika generacije.

(2) Školski odbor je dužan donijeti odluku po žalbi u roku od sedam dana od dana podnošenja žalbe.

(3) Odluka školskog odbora je konačna.

#### Članak 14.

##### (Dostavljanje Odluke o proglašenju učenika generacije)

(1) Škola je dužna do 10. lipnja dostaviti Odluku o proglašenju učenika generacije, biografiju i fotografiju učenika generacije Pedagoškom zavodu i Ministarstvu.

(2) Učenik generacije se proglašava javno na manifestaciji koju organiziraju Ministarstvo i Pedagoški zavod.

#### Članak 15.

##### (Diploma učniku generacije)

(1) Učenik generacije dobija posebnu diplomu „Učenik generacije“.

(2) Sukladno materijalnim mogućnostima Ministarstva, općine, škole i drugih zainteresiranih, učenicima generacije se mogu dodijeliti novčane nagrade i odgovarajući pokloni.

#### ODJELJAK D.

##### PRIJELAZNE I ZAVRŠNE ODREDBE

#### Članak 16.

##### (Prestanak važenja ranijeg Pravilnika)

Stupanjem na snagu ovog Pravilnika prestaje da važi Pravilnik o utvrđivanju Kriterija i načina izbora učenika generacije osnovne škole („Službene novine Tuzlanskog kantona“ broj: 6/11).

#### Članak 17.

##### (Stupanje na snagu Pravilnika)

Ovaj Pravilnik stupa na snagu danom donošenja i objavit će se u „Službenim novinama Tuzlanskog kantona“.

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo, naobrazbe,  
znanosti, kulture i športa  
Broj: 10/1-38-7989/13  
Tuzla, 17.04.2013. godine

MINISTAR

Prof.dr. Nađa Avdibašić-  
Vukadinović, v.r.

## PRAVILNIK

### o utvrđivanju Kriterija i načina izbora učenika generacije srednje škole

#### ODJELJAK A.

##### OPĆE ODREDBE

#### Članak 1.

##### (Predmet Pravilnika)

Ovim Pravilnikom o utvrđivanju Kriterija i načinu izbora učenika generacije u srednjoj školi (u daljem tekstu: Pravilnik) propisuje se način izbora učenika generacije završnih razreda srednje škole u Tuzlanskom kantonu (u daljem tekstu: Kanton).

#### Članak 2.

##### (Uvjeti za proglašenje učenika generacije)

Učenikom generacije završnog razreda može biti proglašen onaj učenik koji ispunjava sljedeće uvjete:

- da je tokom trogodišnjeg ili četverogodišnjeg školovanja po odgovarajućem nastavnom planu i programu postigao odličan uspjeh u učenju u svim razredima (minimalan prosjek općeg uspjeha u svakom razredu 4,8),
- da je u toku školovanja imao primjerno vladanje u svim razredima srednje škole,
- da je u toku školovanja imao zapažene rezultate u slobodnim aktivnostima, takmičenjima, smotrama, i drugim vannastavnim aktivnostima.

#### Članak 3.

##### (Rezultati koji se vrednuju za učenika generacije)

(1) Prilikom vrednovanja za izbor učenika generacije vrednuju se rezultati postignuti u radu sekcija predviđenih godišnjim programom rada u školi, takmičenja u znanju i stvaralaštvu iz pojedinih predmeta i osvojene nagrade na takmičenjima, učesće i osvojene nagrade na konkursima u oblasti likovnog, glazbenog, jezičkog i tehničkog stvaralaštva te športskim aktivnostima koje su organizirane od strane škole, Pedagoškog zavoda Tuzlanskog kantona (u daljem tekstu: Pedagoški zavod), Ministarstva naobrazbe, znanosti, kulture i športa Tuzlanskog kantona (u daljem tekstu: Ministarstvo), općinskih, kantonalnih, federalnih, državnih i međunarodnih organizacija koje se bave pitanjem odgoja i naobrazbe učenika.

(2) U cilju jednoobraznog pristupa, Pedagoški zavod će blagovremeno dostaviti srednjim školama popis takmičenja koji će se vrednovati sukladno stavku (1) ovog članka.

(3) Za rezultate ostalih takmičenja, koja nisu jedinstvena za sve škole na Kantonu, tumačenje o samom takmičenju na zahtjev škole, daje Pedagoški zavod.

#### Članak 4.

##### (Elementi za vrednovanje)

Elementi koji se vrednuju pri rangiranju kandidata za učenika generacije su:

- uspjeh u učenju i vladanju u toku srednjeg školovanja,
- aktivnosti i doprinosi u radu sekcija škole,
- uspjeh u takmičenjima u znanju iz pojedinih nastavnih predmeta, na konkursima, revijama, smotrama, izložbama i športskim takmičenjima,
- rukovođenje odjeljenskom zajednicom,
- rezultati postignuti u vannastavnim aktivnostima,
- vanškolske aktivnosti, volontiranje (športske, kulturne, društvene, humanitarne aktivnosti, te rad u nevladinim organizacijama),
- kursevi informatike, stranih jezika i slično,
- završena srednja umjetnička škola.

#### Članak 5.

##### (Oglas za učenika generacije)

(1) Pravo da bude izabran ima svaki učenik završnog razreda srednje škole koji ispunjava uvjete iz članaka 2. i 3. ovog Pravilnika,

prijavljivanjem na oglas kojeg raspisuje nastavničko vijeće škole najkasnije do 10. svibnja tekuće školske godine.

(2) Oglas iz stavka (1) ovog članka objavljuje se na oglasnoj ploči i traje sedam dana.

## ODJELJAK B. NAČIN VREDNOVANJA AKTIVNOSTI

### Članak 6.

#### (Način vrednovanja aktivnosti)

(1) Aktivnosti iz članka 2., 3. i 4. ovog Pravilnika vrednuju se na sljedeći način:

- opći uspjeh u svim razredima srednje škole - odličan uspjeh i primjerno vladanje po formuli srednja ocjena na dvije decimale X 20 bodova;
- aktivnosti i doprinos u radu sekcija škole, za svaku sekciju u jednoj školskoj godini 2 boda, maksimalno dvije sekcije u jednoj školskoj godini (2x2x4 ili 2x2x3; max. 16 bodova ili max. 12 bodova);
- za učešće i osvojeno mjesto na školskom, općinskom, kantonalnom, federalnom, državnom takmičenju, školskoj olimpijadi, europskom i svjetskom takmičenju u znanju iz pojedinih predmeta, športa odnosno za osvojeno mjesto na konkursima likovnog, jezičkog, dramskog, recitatorskog, literarnog i tehničkog stvaralaštva - revije, izložbe, smotre i slične manifestacije, kandidat može dobiti sljedeći broj bodova:

	Nivo takmičenja	I mjesto	II mjesto	III mjesto	IV mjesto	V mjesto	Učešće
1	Školsko takmičenje	3 boda	2 boda	1 bod			0,5 bodova
2	Općinsko takmičenje	6 bodova	5 bodova	4 boda	3 boda	2 boda	1 bod
3	Kantonalno takmičenje	12 bodova	10 bodova	8 bodova	6 bodova	4 boda	2 boda
4	Federalno takmičenje	18 bodova	15 bodova	12 bodova	9 bodova	6 bodova	3 boda
5	Državno takmičenje	24 boda	20 bodova	16 bodova	12 bodova	8 bodova	4 boda
6	Međunarodna takmičenja	30 bodova	25 bodova	20 bodova	15 bodova	10 bodova	5 bodova

Ukoliko se održava samo ekipno takmičenje, kandidatu koji je bio član ekipe pripada 30% bodova od bodova predviđenih za pojedinačni plasman.

Bodovi se mogu dobiti samo po jednom osnovu ili za plasman ili za učešće.

Kod tehničkog stvaralaštva se boduje jedno priznanje, i to ono koje nosi više bodova na smotri;

d) rukovođenja odjeljenskom zajednicom:

- za svaku godinu rukovođenja odjeljenskom zajednicom ili rada u predsjedništvu odjeljenske zajednice kandidatu pripada po 1 bod,
- rukovođenje vijećem učenika (za svaku godinu rukovođenja) po 3 boda,
- rad u vijeću učenika (za svaku godinu rada) po 1 bod;

e) rezultati postignuti u radu vannastavnih aktivnosti (športskom i kulturnom polju):

- za nastupe izvan škole (MZ, općini i dr.) po 1 bod, (po ovom osnovu učenik može dobiti najviše 3 boda),
- pismene pohvale nastavnčkog vijeća za postignute rezultate u vannastavnim aktivnostima - za svaku pohvalu po 1 bod;

f) vanškolske aktivnosti, volontiranje (športske, kulturne, društvene, humanitarne aktivnosti te rad u nevladinim organizacijama),

- za članstvo odnosno zapažene rezultate na športskom, kulturnom ili humanitarnom planu organiziranom izvan škole uz dostavljanje odgovarajućih dokaza za svaku aktivnost na lokanom nivou po 1 bod,
- na kantonalnom nivou po 2 boda,
- na federalnom i državnom nivou po 3 boda,
- na međunarodnom nivou po 4 boda.

Po osnovu točke f) učenik može dobiti maksimalno 10 bodova;

g) kursevi

- svaki kurs sa validnim certifikatom (npr. stranih jezika, informatike, vršnjački edukatori ili medijatori) po 1 bod (po ovom osnovu učenik može dobiti maksimalno 3 boda);

h) završena srednja umjetnička škola 15 bodova.

## ODJELJAK C. IZBOR UČENIKA GENERACIJE

### Članak 7.

#### (Izbor učenika generacije u umjetničkim školama)

(1) Srednja umjetnička škola izbor učenika generacije može vršiti na temelju dodatnih kriterija, reguliranih svojim normativnim aktom, sukladno ovom Pravilniku.

(2) Kandidati za učenika generacije u srednjoj umjetničkoj školi koji su izveli samostalni koncert ili organizirali samostalnu izložbu na odgovarajućoj razini, dobit će broj bodova koji je predviđen za prvo mjesto na odgovarajućoj razini takmičenja.

### Članak 8.

#### (Praćenje, prikupljanje i sumiranje rezultata)

(1) Praćenje, prikupljanje prijedloga i sumiranje rezultata u školi vrši Komisija za izbor učenika generacije (daljeme tekstu: Komisija).

(2) Komisiju iz prethodnog stavka imenuje nastavničko vijeće škole.

### Članak 9

#### (Sastav Komisije)

(1) Komisiju iz članka 8. ovih kriterija obvezno čini pedagog škole koji je predsjednik Komisije ili drugi nastavnik kojeg imenuje nastavničko vijeće, dva nastavnika koje bira nastavničko vijeće, a koji nisu razrednici u završnim razredima, predstavnik roditelja kojeg bira vijeće roditelja, a čije dijete ne konkuriira za učenika generacije u toj školskoj godini i jedan učenik kojeg predloži vijeće učenika, a koji ne može biti učenik završnog razreda.

(2) Poslovnik o radu Komisije donosi nastavničko vijeće škole.

### Članak 10.

#### (Rang lista)

(1) Nakon prikupljanja i provjere podataka, Komisija pristupa bodovanju.

(2) Bodovanje kandidata za učenika generacije vrši se na temelju dokumenata iz pedagoške dokumentacije i evidencije škole (potvrde, uvjerenja i dr.), diploma i zvaničnih izvješća organizatora takmičenja (od općinskih do međunarodnih) i diploma/svjedodžbi umjetničke škole koje dostavlja sam učenik pismenim putem sekretaru škole.

(3) Ukoliko dva ili više kandidata imaju jednak broj bodova, prednost ima učenik koji ima više bodova za uspjeh u učenju. Ukoliko i po ovom osnovu učenici imaju jednak broj bodova, prednost ima onaj učenik koji ima više bodova po osnovu takmičenja. Ukoliko i po ovom osnovu dva ili više učenika imaju jednak broj bodova, prednost ima onaj učenik koji ima veći broj bodova po osnovu uspjeha na konkursima, revijama, smotrama i športu.

(4) Na temelju broja bodova Komisija sastavlja rang listu i dostavlja nastavničkom vijeću škole.

### Članak 11.

#### (Zapisnik o radu Komisije)

Komisija o svom radu vodi zapisnik.

**Članak 12.****(Razmatranje prijedloga Komisije i donošenje odluke)**

(1) Nastavničko vijeće srednje škole razmatra prijedlog Komisije i donosi Odluku o izboru učenika generacije škole u roku od tri dana od dostavljanja prijedloga Komisije.

(2) U školi može biti izabran samo jedan učenik generacije.

**Članak 13.****(Podnošenje žalbe)**

(1) Žalba na odluku nastavničkog vijeća podnosi se školskom odboru u roku od tri dana nakon proglašenja učenika generacije.

(2) Školski odbor je dužan donijeti odluku po žalbi u roku od sedam dana od dana podnošenja žalbe.

(3) Odluka školskog odbora je konačna.

**Članak 14.****(Dostavljanje Odluke o proglašenju učenika generacije)**

(1) Škola je dužna da do 10. lipnja dostavi Odluku o proglašenju učenika generacije, biografiju i fotografiju učenika generacije Pedagoškom zavodu i Ministarstvu.

(2) Učenik generacije se proglašava javno na manifestaciji koju organiziraju Ministarstvo i Pedagoški zavod.

**Članak 15.****(Diploma učeniku generacije)**

(1) Učeniku generacije se dodjeljuje posebna diploma „Učenik generacije“.

(2) Sukladno materijalnim mogućnostima Ministarstva, općine, škole i drugih zainteresiranih, učenicima generacije se mogu dodijeliti novčane nagrade i odgovarajući pokloni.

**ODJELJAK D.****PRIJELAZNE I ZAVRŠNE ODREDBE****Članak 16.****(Prestanak važenja ranijeg Pravilnika)**

Stupanjem na snagu ovog Pravilnika prestaje da važi Pravilnik o utvrđivanju Kriterija i načina izbora učenika generacije srednje škole, broj: 10/1-38-7065-1/11 od 12.04.2011. godine („Službene novine Tuzlanskog kantona“, broj: 6/11).

**Članak 17.****(Stupanje na snagu Pravilnika)**

Ovaj Pravilnik stupa na snagu danom donošenja i bit će objavljen u „Službenim novinama Tuzlanskog kantona“.

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo naobrazbe,  
znanosti, kulture i športa  
Broj: 10/1-38-7989-1/13  
Tuzla, 17.04.2013. godine

MINISTAR

Prof.dr. Nađa Avdibašić-  
Vukadinović, v.r.

**288**

Ministarstvo naobrazbe, znanosti, kulture i športa Tuzlanskog kantona na temelju članka 8. i članka 23. Zakona o ministarstvima i drugim organima uprave Tuzlanskog kantona («Službene novine Tuzlanskog kantona», br. 17/00, 3/01 i 12/03), objavljuje

**IZMJENE U SPISKU**

srednjih škola upisanih u Registar srednjih škola

**I.**

U Spisku srednjih škola upisanih u Registar srednjih škola broj: 10/1-38-1689/13 od 25.01.2013. godine u točki 7. u dijelu „**Ekonomska škola**“ tekst „financijsko-računovodstveni mijenja se

**II.**

Ova izmjena objavit će se u «Službenim novinama Tuzlanskog kantona».

Bosna i Hercegovina  
Federacija Bosne i Hercegovine  
TUZLANSKI KANTON  
Ministarstvo naobrazbe,  
znanosti, kulture i športa  
Broj: 10/1-38-6749-1/2013  
Tuzla, 26.04.2013. godine

MINISTAR

prof. dr. Nađa Avdibašić  
Vukadinović, v.r.

**289**

Komisija za koncesije Tuzlanskog kantona, na 109. sjednici održanoj dana 11.04.2013. godine, razmatrajući prijedlog Ugovora o koncesiji za eksploataciju mineralne vode na lokalitetu „Ljubače“ u općini Tuzla, koji treba da zaključe Ministarstvo industrije, energetike i rudarstva Tuzlanskog kantona i privredno društvo „Pivara“ d.d. Tuzla, na temelju članka 15., a u svezi s člankom 27. Zakona o koncesijama („Službene novine Tuzlanskog kantona“, br. 5/04, 7/05, 6/11 i 1/13), članaka 11., 12., 13. i 14. Pravila Komisije za koncesije Tuzlanskog kantona i glavi II točke 3. i 7. Dokumenta o politici dodjele koncesija na području Tuzlanskog kantona („Službene novine Tuzlanskog kantona“, broj: 7/06), donosi sljedeću

**ODLUKU**

ODOBRAVA SE prijedlog Ugovora o koncesiji za eksploataciju mineralne vode na lokalitetu „Ljubače“ u općini Tuzla, koji treba da zaključe Ministarstvo industrije, energetike i rudarstva Tuzlanskog kantona i privredno društvo „Pivara“ d.d. Tuzla.

Bosna i Hercegovina  
Federacija Bosne i Hercegovine  
TUZLANSKI KANTON  
-KOMISIJA ZA KONCESIJE TK-  
Broj: 20/1-25-22795-1/12  
Tuzla, 11.04.2013.godine

PREDSJEDNIK KOMISIJE

Nihad Sinanović, v.r.

**290**

Komisija za koncesije Tuzlanskog kantona, na 110. sjednici održanoj dana 24.04.2013. godine, razmatrajući Prijedlog ugovora o koncesiji za korištenje vode iz bunara B3, B6, i B7 na području općine Srebrenik, u općinskom sustava vodosnabdijevanja Srebrenika, koji treba da zaključe Ministarstvo poljoprivrede, šumarstva i vodoprivrede TK i JP VODOVOD I KANALIZACIJA“SREBRENİK“ d.d. Srebrenik, na temelju članka 15., a u svezi sa člankom 27. Zakona o koncesijama („Službene novine Tuzlanskog kantona“, br. 5/04, 7/05, 6/11 i 1/13), čl. 11.,12.,13. i 14. Pravila Komisije za koncesije Tuzlanskog kantona i točki 3. glava II. Dokumenta o politici dodjele koncesija na području TK („Službene novine Tuzlanskog kantona“, broj 7/06), donosi sljedeću

**ODLUKU**

ODOBRAVA SE Prijedlog ugovora o koncesiji za korištenje vode iz bunara B3, B6, i B7 na području općine Srebrenik, u općinskom sustavu vodosnabdijevanja Srebrenika, koji treba da zaključe Ministarstvo poljoprivrede, šumarstva i vodoprivrede TK i JP VODOVOD I KANALIZACIJA“SREBRENİK“ d.d. Srebrenik.

Bosna i Hercegovina  
Federacija Bosne i Hercegovine  
TUZLANSKI KANTON  
-KOMISIJA ZA KONCESIJE TK-  
Broj: 20/1-25-1499-2/12

PREDSJEDNIK KOMISIJE

Nihad Sinanović, v.r.